

1998 nr. 61 12. júní

Lög um dánarvottorð, krufningar o.fl.

Tóku gildi 1. janúar 1999. Breytt með: L. 93/2002 (tóku gildi 31. maí 2002). L. 28/2011 (tóku gildi 1. maí 2011). L. 32/2020 (tóku gildi 9. maí 2020).

Ef í lögum þessum er getið um ráðherra eða ráðuneyti án þess að málfnasvið sé tilgrein í sérstaklega eða til þess vísa, er átt við **heilbrigðisráðherra** eða **heilbrigðisráðuneyti** sem fer með lög þessi.

Ritun dánarvottorðs.

■ 1. gr.

□ Læknir skal rita dánarvottorð fyrir hvern mann er deyr hér á landi. Vottorðið skal ritað á eyðublað sem landlæknir lætur útbúa.

Líkskoðun.

■ 2. gr.

□ Læknir skoðar lík og athugar hvernig andlát hefur borið að, dauðaskilmerki og líklega dánarorsök.

□ Andist maður á heilbrigðisstofnun ber læknir sá sem annaðist hinn látna á stofnuninni eða yfirlæknir viðkomandi deildar ábyrgð að líkið verði skoðað.

□ Andist maður utan heilbrigðisstofnunar skal læknir sá sem stundaði hinn látna í banalegunni skoða líkið.

□ [Við óvænt dauðsföll eða ef ekki tekst að ná til læknis sem stundaði hinn látna í banalegunni skal tilkynna andlát ð til yfirlæknis heilsugæslu sem ber þá ábyrgð að líkið verði skoðað.]¹⁾

¹⁾ L. 93/2002, 22. gr.

Tilkynning til löggreglu.

■ 3. gr.

□ Læknir sem kvaddur er til vegna líkskoðunar skal gera löggreglu viðvart ef:

1. ætla má að andlát tengist refsiverðu athæfi, sjálfsvígí eða andlát af völdum slyss,
2. maður hefur fundist láttinn,
3. dauðsfall er óvænt,
4. maður andast í fangelsi eða á öðrum áþekkum stað eða
5. ætla má að dauðsfall megi rekja til mistaka, vanrækslu eða óhappatilviks við læknismeðferð.

Réttarlæknisfræðileg líkskoðun.

■ 4. gr.

□ Þegar löggreglu er gert viðvart um andlát ákvæður hún hvort lík skuli skoða réttarlæknisfræðilega. Slík skoðun skal að jafnaði gerð nema:

1. andlát beri að svo löngu eftir slys að löggregla telji slíka skoðun óþarfa í ljósi fyrilliggjandi upplýsinga eða
 2. löggregla og læknir eru sammála um að dauðdaginn hafi verið eðlilegur.
- Réttarlæknisfræðileg líkskoðun er gerð af löggreglu og læknir í sameiningu.

Krufning.

■ 5. gr.

□ Að lokinni líkskoðun má kryfja lík í læknisfræðilegum tilgangi og fjarlægja líkamsvef og annað líffræðilegt efni, sbr. þó lög um brotnám líffæra:

1. hafi hinn látni eftir að hann varð sjálfráða samþykkt krufningu skriflega eða
 2. nánasti venslamaður hins látna hafi samþykkt krufningu, enda þyki sannað að hún sé ekki í andstöðu við vilja hins látna.
- Þurfi að afla samþykkit nánasta venslamanns fyrir krufningu skal læknir veita upplýsingar um tilgang og markmiði krufningaránnar.

□ Maka, börnum, ef hinn látni átti ekki maka, foreldrum, ef hinn látni var barnlaus, eða systkinum, ef foreldrar hins látna eru einnig látnir, er heimilt að krefjast krufningar ef í ljós kemur að ekki er af hálfu læknis hins látna fyrirhugað að óska eftir krufningu.

□ Ef gera á réttarlæknisfræðilega líkskoðun eða réttarkrufningu er óheimilt að kryfja lík í læknisfræðilegum tilgangi eingöngu.

Réttarkrufning.

■ 6. gr.

□ Réttarkrufning skal gerð:

1. Þegar dauðfall verður rakið til refsiverðrar háttsemi eða ef ekki reynist unnt að útiloka slíkt með fullnægjandi hætti, eða þegar slík krufning er talin nauðsynleg til að koma í veg fyrir að síðar vakni grunsemdir um að dauðsfallið megi rekja til refsiverðs verknaðar eða

2. Þegar dánarorsök verður ekki með viðunandi hætti ákvörðuð með réttarlæknisfræðilegri líkskoðun.

□ Í öðrum tilvikum tekur löggregla ákvörðun um nauðsyn réttarkrufningar.

Dómsúrskurður um réttarkrufningu.

■ 7. gr.

□ Löggregla skal kynna nánasta venslamanni nauðsyn réttarkrufningar og leita samþykki hans.

□ Samþykki nánasti venslamaður ekki réttarkrufningu skal löggregla leita úrskurðar dómara um hana.

Útgáfa dánarvottorðs.

■ 8. gr.

□ Dánarvottorð ritar sá læknir sem skoðar líkið eða sá sem ber ábyrgð að það sé gert.

□ Hafi andlát verið tilkynnt löggreglu má ekki rita dánarvottorð fyrr en hún hefur ákvæðið að ekki sé ástæða til réttarlæknisfræðilegar líkskoðunar eða réttarkrufningar.

□ Ef réttarlæknisfræðileg líkskoðun er gerð skal dánarvottorð ritað af lækninum sem tók þátt í skoðuninni. Læknir sem framkvæmir réttarkrufningu ritar dánarvottorð.

Umönnun líks.

■ 9. gr.

□ Lík skal geyma á stað við hæfi. Ef ekki er unnt að staðfesta andlát skal fylgjast með viðkomandi og ekki flytja í líkhús fyrr en læknir hefur staðfest dauðaskilmerki.

Meðferð dánarvottorðs og heimild til útfarar.

■ 10. gr.

□ Dánarvottorð skal afhent venslamanni hins látna.

□ Venslamaður afhendir dánarvottorðið sýslumanni í því umdæmi þar sem hinn látni átti lögheimili á dánardægri eða ætla má að dánarbúi verði skipt samkvæmt ákvæðum laga um skipti á dánarbúum o.fl.

□ Nú á ákvæði 2. mgr. ekki við, t.d. vegna búsetu hins látna erlendis, og skal þá afhenda dánarvottorðið sýslumanni í því umdæmi þar sem útför hins látna verður gerð.

□ Sýslumaður afhendir venslamanni staðfestingu þess að andlát hafi verið tilkynnt og má ekki gera útför nema sá sem hana annast hafi fengið slíka staðfestingu.

□ [Sýslumaður sendir dánarvottorð svo fljótt sem kostur er til Þjóðskrár Íslands. Jafnskjótt og andlát hefur verið skráð í þjóðskrá, ásamt nauðsynlegum upplýsingum, sendir Þjóðskrár Íslands dánarvottorðið til landlæknis.

□ Hagstofa Íslands semur skýrslur um dánarorsakir og andvana fædd börn hér á landi. Landlæknir skal afhenda Hagstofunni þau gögn sem hún óskar eftir og nauðsynleg eru í þeim tilgangi.]¹⁾

- [Heimilt er að miðla upplýsingum sem fram koma í dánarvottorði rafrænt í samræmi við reglugerð sem ráðherra settur. Í reglugerð skal mælt fyrir um almenn skilyrði varðandi vinnslu og tegund gagna og upplýsinga, til hvaða stofnana sé heimilt að miðla persónuupplýsingum og í hvaða tilgangi, auk fyrirmæla um öryggi og verklag við vinnslu.]²⁾

¹⁾ L. 28/2011, 16. gr. ²⁾ L. 32/2020, 1. gr.

Tilkynningar vegna andvana fæddra barna.

■ 11. gr.

- [Fæðist barn andvana skal ekki ritað dánarvottorð, en um það skal tilkynnt til Þjóðskrár Íslands og landlæknis.]¹⁾

¹⁾ L. 28/2011, 16. gr.

Flutningur líka úr landi.

■ 12. gr.

- Nú er lík flutt úr landi og ber sá sem það flytur ábyrgð á að dánarvottorð sé afhent sýslumanni í því umdæmi þar sem maðurinn lést. Sýslumaður afhendir flutningsaðila staðfest afrit dánarvottorðs og skal það fylgja líkinu til viðtakanda erlendis. Ekki má flytja lík úr landi nema ákvæðum þessum sé fylgt.

Refsingar.

■ 13. gr.

- Brot gegn lögum þessum eða reglum sem settar eru eftir

þeim varða sektum nema þyngri hegning sé við lögð í öðrum lögum.

Reglugerðarheimild.

■ 14. gr.

- Ráðherra er heimilt með reglugerð að setja nánari ákvæði um framkvæmd laga þessara.

Ráðherra skal setja í reglugerð¹⁾ ákvæði um:

1. Ritun dánarvottorða, að fengnum tillögum landlæknis.
2. Framkvæmd réttarlæknisfræðilegrar líkskoðunar, þar á meðal um lágmarkskunnáttu lækna sem gera réttarlæknisfræðilega líkskoðun.
3. Réttarkrufningu.
4. [Hvernig Þjóðskrá Íslands og landlæknin verði tilkynnt um andvana fædd börn.]²⁾

¹⁾ Rg. 248/2001, sbr. 172/2021. ²⁾ L. 28/2011, 16. gr.

Gildistaka.

■ 15. gr.

- Lög þessi öðlast gildi 1. janúar 1999.

Brottfall laga.

■ 16. gr. . .

Breyting annarra lagaákvæða.

■ 17. gr. . .